



Aus de Schul.

Wie groß is Nord-Amerika?
Wo wohnen dann die Derke?
Wie häßten in Sied-Afrika
Die gröschde Fliß un Berge?
Froh heit mol sowas in de Schul
's bleibt kenns die Andword schullig,
Doch wannn noh ehrer Heemet frohschd,
Do schweijen se all gedullig.

's is draurig des un wie sichs rächt,
Konnd ledscht mer konschtadiere,
Geht do de Lehrer for Geschicht
Un Geographie schbaziere;
Fremd is er hie, kennnd sich net aus,
Im Wald mit seine Pädcher
Necht uff de Bremerhof enaus
Mit seine klänne Mädcher.

Zwä Schtunn lang dabben se so erum
In Danne un in Buche
Do heeren se Schtimme, Rinner sinns
Die Holz un Google suche;
Die fro't de Lehrer um de Weg
Un ähns dann vun de Rinner
E Bu geht barfuß mit bis nägschd
Ans Paffebrinnche hinner.

Wie er zurick dann wirrer kummd
Do rufd er schun vun weidem:
„Hänn ehr gesieh jetzt, waß de mehr
Mit all denn ehr Gescheidtem;
Geschd hot er jerer Dreck gewißt
Vun Afrika ganz hinne
Un heit wääs er net mol de Weg
Uff de Bremerhof se sinne.

